

Акафист преподобному Никите Костромскому, ученику
преподобнаго Сергия Радонежскаго.

Кондак 1

Избранный от благочестиваго рода подвижнице,
преподобне отче наш Никито, благочестием и труды
многими Богу угодивый, приими похвальное пение от
нас, любовьию чтущих святую память твою, и яко имея
велие дерзновение ко Господу, моли Христа Бога о
спасении душ наших, да зовем ти: Радуйся, преподобне
Никито, града Костромы усердный заступниче.

Икос 1

Ангела земнаго яви ты Господь земли нашей, яко во
обителех ея добре подвизався, кратким и тихим житием
просиял еси. Темже и Христос отверзе ти врата небесная
и лику преподобных сочета, мы же благодарне воспеваем
сице:

Радуйся, земли Ростовския прозябение;

радуйся, благочестиваго рода украшение.

Радуйся, Сергия преподобнаго боголюбивый
сродниче;

радуйся, смиренный его учениче и усердный
послушниче.

Радуйся, от младенчества любовь ко Господу явивый;

радуйся, даже до смерти ю сохранивый.

Радуйся, ко иноческому житию от юности
прилежавый;

радуйся, ангельский нрав стяжавый.

Радуйся, преподобне Никито, града Костромы
усердный заступниче.

Кондак 2

Видев Господь усердие твоё ко иноческому житию, направи стопы твоя ко преподобному сроднику твоему авве Сергию, от негоже благочестию научён, любовь к добродетелем стяжал еси и, послушанию прилежав, образ трудолюбия явил еси. Сего ради, зряще о тебе благою волю Господню, воспеваем Богу: Аллилуиа.

Икос 2

Разум просвещён имети желая, в законе Господни поучался еси день и ночь, преподобне Никито, таже и Лествицу святого Иоанна списал еси, да лествицею добродетелей иноческих на небо взыдеши. Мы же, дивящиеся усердию твоему, вопием ти:

Радуйся, родителей благих плод добрый и избранный;
радуйся, благочестие от них восприемый.

Радуйся, от юности постническому житию прилежавый;

радуйся, Сергию преподобному ученика себе соделавый.

Радуйся, в послушании тому усердно пребывавый;
радуйся, наставленными его многия добродетели стяжавый.

Радуйся, чистоты сердечныя усердный хранителю;
радуйся, уставов иноческих изрядный ревнителю.

Радуйся, преподобне Никито, града Костромы усердный заступниче.

Кондак 3

Силою Вышняго укрепляемь, многая лета во обители Святыя Троицы подвизался еси, отче Никито, и пострижение иноческое от святого игумена Сергия восприем, образ праведнаго жития его в сердца слагал

есї, и свидѣтель дївных чудес и подвигов его соделался есї, воспевая Богу: Аллилуиа.

Икос 3

Имея по вся дни упование на Бога, воли твоея отрелся есї, преподобне отче наш Никито, мы же, воспеваяюще добронравное житие твое, прославляем тя тако:

Радуйся, нищету духовную возлюбивый;
радуйся, мудрование плотское умертвивый.

Радуйся, слезами многими сердце очистивый;
радуйся, богомыслием ум горе возвысивый.

Радуйся, молчания Исаакиева благоговейный свидетелю;

радуйся, послушания Никанова дивный ревнителю.

Радуйся, Михеевым словесем со страхом внимающий;
радуйся, Симону благоразумию подражающий.

Радуйся, преподобне Никито, града Костромы усердный заступниче.

Кондак 4

Бурю помышлений послушанием усмирив, благословение преподобнаго Сергия кратко восприял есї, и к новому подвигу устремился есї, отче Никито. Темже к преподобному Афанасию пришед, во обители Высокской града Серпухова вселился есї, Богу вопия: Аллилуиа.

Икос 4

Слышавше братия Серпуховския обители о богоугодном житии твоём, преподобне Никито, с любовью прияша тя, яко отца духовнаго, и попечение о душах своих ввериха тебе, аще и леты юн быше. Мы же,

дивящися разсуждѣнію твоѣму и благодати, в тебѣ бывшей, взываемъ сѣце:

Радуйся, преподобнаго Сѣргія достойный ученичѣ;
радуйся, преподобнаго Афанасія смиренный помощниче.

Радуйся, дар разсуждѣнія послушаніемъ стяжавый;
радуйся, умному дѣланію со усердіемъ прилежавый.

Радуйся, лѣствицею добродѣтелей отъ силы в силу восходивый;

радуйся, обѣты иноческія, яко залогъ спасенія, возлюбивый.

Радуйся, градъ Костромѣ молітвами твоими утвердивый;

радуйся, зѣмлю Костромскую стопами твоими освятивый.

Радуйся, преподобне Никито, града Костромѣ усердный заступниче.

Кондак 5

Богомудрый игуменъ обители Сѣрпуховския явился еси, отче Никито, словесы святыхъ отецъ всехъ назидая, како подобаетъ в единеніи и любви пребывать, молітве и послушанію прилежати, и крестнымъ путемъ ко спасенію шествовати, взывая Богу: Аллилуиа.

Икос 5

Видевъ разореніе обители твоея отъ нечестивыхъ иноплемѣнникъ, преподобне Никито, многія подвиги и труды положилъ еси, паки устраивая благолѣпіе ея, и яко милостивый отецъ, о людехъ, кровя лишенныхъ, алчущихъ и в нуждахъ сущихъ, попеченіе имѣлъ еси. Мы же, прославляюще богоугодное житіе и добродѣтели твоя, вопіемъ ти:

Ра́дуйся, благочи́ния монасты́рскаго неуста́нный
блюсти́телю;

ра́дуйся, уста́ва церко́внаго усер́дный ревни́телю.

Ра́дуйся, добро́толю́бия и́стинный учи́телю;

ра́дуйся, скорбя́щих и стра́ждущих до́брый
попечи́телю.

Ра́дуйся, свети́льниче от Го́спода возжже́нный;

ра́дуйся, благода́тию Ду́ха Свята́го освяще́нный.

Ра́дуйся, в наше́ствии иноплеме́нник все упова́ние на
Бо́га возложи́вый;

ра́дуйся, крото́стию и смире́нием мно́жества мона́хов
собра́вый.

Ра́дуйся, преподо́бне Ники́то, гра́да Костро́мы
усер́дный засту́пниче.

Кондак 6

Пропове́дует земля́ Ру́сская смире́ние твоё и любо́вь
ко ино́ческому по́двигу, преподо́бне Ники́то: ты бо,
уедине́ния взыску́я, и в Покро́вскую оби́тель близ гра́да
Бо́ровска всели́вся, бра́тию ея́ я́ко ста́рец богому́дрый
окормля́л еси́, воспева́я Бо́гу: Аллилу́иа.

Икос 6

Возсия́л еси́ во оби́тели Покро́вской свя́тостию жити́я
твоего́, прехва́льне Ники́то, и ю́наго подви́жника,
преподо́бнаго Пафну́тия, возрасти́л еси́, и́же вся́кому
мона́шескому де́ланию от тебе́ научи́ся. Мы же,
прославля́юще жити́е твоё, воспева́ем тя:

Ра́дуйся, свети́льниче, пу́ть ко спасе́нию указы́ай;

ра́дуйся, подви́жниче, горе́ сердца́ при́сно возводи́ай.

Ра́дуйся, доброде́тельнаго жити́я богому́дрый
учи́телю;

ра́дуйся, преподо́бнаго Пафну́тия иску́сный
наста́вниче.

Ра́дуйся, мно́гия ино́ки Бо́гови возрасти́вый;
ра́дуйся, тем я́ко оте́ц милосе́рдный бы́вый.

Ра́дуйся, преподо́бне, в по́двизех ча́д твои́х
укрепля́вый;

ра́дуйся, словеси́ твои́ми в терпéнии их утвержда́вый.

Ра́дуйся, преподо́бне Никито́, гра́да Костро́мы
усе́рдный засту́пниче.

Кондак 7

Хотя́ по завету́ преподо́бнаго Серге́я в се́верней
стране́ о́бщее жити́е ино́ков устро́ити, при́иде пре́жде во
о́битель Трои́цкую помолити́ся, о́тче Никито́. Зде́ же,
узрeв чудеса́ от мо́щей о́тца́ твоего́ духо́внаго,
благодáрственне воспéл еси́ Бо́гу: Аллилу́иа.

Икос 7

Но́ваго уго́дника чудeс самови́дец бы́ти сподо́бился,
ду́хом укрепил́ся еси́, преподо́бне о́тче Никито́, да в
се́верную страну́ изше́д, сла́ву учи́теля твоего́ и
печа́льника земли́ ру́сския распро́страниши. Мы́ же, я́ко
ве́рнаго учени́ка Серге́ева ты почита́юще, прославля́ем
си́це:

Ра́дуйся, дивна́го учи́теля ве́рный учени́че;

ра́дуйся, благода́ти того́ досто́йный приéмниче.

Ра́дуйся, заветов преподо́бнаго Серге́я исполнители́;

ра́дуйся, уста́вов его́ в ино́ческих о́бителях
насади́телю.

Ра́дуйся, мно́гими добродeтелями жити́е украси́вый;

ра́дуйся, в лице́ учени́ков Серге́евых просла́вленный.

Ра́дуйся, смире́ние в основа́ние подвиго́в положи́вый;

ра́дуйся, исполне́нием за́поведей Бо́жих на Не́бо
возше́дый.

Ра́дуйся, преподо́бне Никíто, гра́да Костромы́
усе́рдный засту́пниче.

Кондак 8

Стра́нно и дíвно бы́сть прише́ствие твоё во гра́д
Кострому́, преподо́бне о́тче Никíто: подобáет бо
сильным и ю́ным в да́льния страны́ тещí и но́вое
служе́ние приима́ти. Ты́ же, немо́щен сый и очíма
неду́жен, сие́ сверши́л еси́, воспева́я Даю́щему тебе́
кре́пость: Аллилу́иа.

Икос 8

Все́ упова́ние на Го́спода возложíв, преподо́бне
Никíто, в преде́лы Костромскíя изше́л еси́, íдеже в
пусты́ннем ме́сте обíteль Богоявлéнскую устро́ив,
мно́жество ино́ков собра́л еси́. Сего́ ра́ди похваля́ем тя:

Ра́дуйся, благослове́ние духо́внаго о́тца испо́лнивый;
ра́дуйся, зе́млю Костромску́ю прише́ствием твоём
освяти́вый.

Ра́дуйся, дрéвний град моли́твами твоими́
утверди́вый;

ра́дуйся, обíteль Богоявлéния в нем основа́вый.

Ра́дуйся, взыску́ющия ино́ческаго по́двига о́крест себе́
собра́вый;

ра́дуйся, боголю́биво́му о́бщему жити́ю тэх
научи́вый.

Ра́дуйся, страну́ Костромску́ю по́двиги твоими́
просла́вивый;

ра́дуйся, лю́ди ея́ на спасéния стези́ наста́вивый.

Ра́дуйся, преподо́бне Никíто, гра́да Костромы́
усе́рдный засту́пниче.

Кондак 9

Всяк православный похваляет терпение твоё, преподобне отче Никито: ты бо, глад и хлад, всякия напасти и нашествие иноплемённых в многотрудном и скорбнем житии претерпевая, Бога за вся благодарил еси, воспевая Ему: Аллилуиа.

Икос 9

Ветийствующий язык не может изрещи обилие любви твоея и великаго смирения: ты бо, преподобне, многолётен сый и саном архимандрита облечён, со смирением всем послужил еси. Сего ради прославляем тя:

Радуйся, светильниче, игуменом Радонежским возжжённый;

радуйся, сосуде, даров Духа Святаго исполненный.

Радуйся, нищетю духовною себе обогативый;

радуйся, глубиною смирения высоту Богомыслия показавый.

Радуйся, преподобне, хриstopодражательный нрав стяжавый;

радуйся, вся скорби благодушно терпевый.

Радуйся, слепотствуя телесне, духовное зрение имевый;

радуйся, терпением скорбей дар разсуждения обретый.

Радуйся, преподобне Никито, града Костромы усердный заступниче.

Кондак 10

Спасти хотя души приходящих к тебе, Богомудре отче Никито, подвиг настоятельства терпеливо понёс еси, и всякое попечение о людех твоих на рамо взём,

лѣнѣвыя обличѣл еси, немощныя укреплял еси, скорбящія утешал еси, да вси возмогут пѣти Господу: Аллилуѣа.

Икос 10

Стенѣ и прибежище бѣсть тебѣ, отче наш Никито, икона Пресвятыя Богородицы, именуемая Феодоровская, пред неюже молѣние теплое за вся люди возносил еси. Сего ради зовем ти:

Радуйся, жития иноческаго во граде Костромѣ мудрый устройтелю;

радуйся, правил общаго жития усердный насадителю.

Радуйся, обители Богоявленской крепкое основаніе;

радуйся, монашествующих присная похвало.

Радуйся, словесы твоими чада духовная напитавый;

радуйся, оная на путь спасенія наставивый.

Радуйся, приходящія к тебѣ с любовью принимаवый;

радуйся, в нуждах сущим потребная подававый.

Радуйся, преподобне Никито, града Костромы усердный заступниче.

Кондак 11

Пѣние всеумиленное Господу принѣсл еси, преподобне отче Никито, егда час кончины твоея и разрешенія от трудов и подвигов многих прииде, ты бо, дух твой в руке Божии со благодареніем предаѣ, воззвал еси: Аллилуѣа.

Икос 11

Свѣтильника земли Русскія вѣмы ты, Богоносне отче наш Никито: ты бо, огонь любви Божественныя от преподобнаго Сергія восприѣм, сердца многая возжегл еси. Темже похваляем ты словесы сицевыми:

Радуйся, яко свѣтильник земли Русскія возсиявый;

ра́дуйся, в странé Костромско́й по́прище
многотру́дное сконча́вый.

Ра́дуйся, во оби́тели Богоявлéнской дүх тво́й Бо́гу
преда́вый;

ра́дуйся, кончи́ною пра́ведною назидáние всём
сотвори́вый.

Ра́дуйся, гра́д Кострому́ мощáми тво́ими освяти́вый;

ра́дуйся, во оби́тели Небéсных всели́выйся.

Ра́дуйся, я́ко Престо́лу Вседержи́теля предсто́иши;

ра́дуйся, я́ко о странé на́шей прісно ходáтайствуеши.

Ра́дуйся, преподо́бне Никіто, гра́да Костромы́
усер́дный заступни́че.

Кондак 12

Благода́ть чудес от гроба́ твоего́ источáеши всём, с
любо́вию притека́ющим к тебе́, преподо́бне о́тче Никіто.
Мы же, зря́ще такову́ю мѣлость Бо́жью, нам грéшным
подава́емую предста́тельством тво́им, умѣльно взывáем:
Аллилу́иа.

Икос 12

Почита́ем тя, угóднице Бо́жий Никіто, наста́вниче
мона́хов и собесѣдни́че А́нгелов, и воспева́ем по́двиги
тво́я, ѣмиже Цѣрковь Ру́сскую прославля́еши и нас в
Правосла́вии укрепля́еши. Сего́ ра́ди с любо́вию взывáем
ти:

Ра́дуйся, я́ко мно́гия оби́тели в землі на́шей
наста́вника тя почита́ют;

ра́дуйся, я́ко ѣноцы и мирсти́и к предста́тельству
твоему́ с ве́рою притека́ют.

Ра́дуйся, я́ко моли́твами тво́ими от скорбе́й и бе́д
огражда́еши;

ра́дуйся, я́ко чудеса́ от гроба́ твоего́ неоску́дно
источа́еши.

Ра́дуйся, я́ко в со́нмех святы́х ны́не Бо́га
прославля́еши;

ра́дуйся, я́ко в ли́це преподо́бных пред Престо́лом
Святы́я Трои́цы пребыва́еши.

Ра́дуйся, я́ко в невече́рном све́те ны́не со А́нгелы
ликую́еши;

ра́дуйся, я́ко и о нас пред Бо́гом те́пле
хода́тайствуеши.

Ра́дуйся, преподо́бне Ники́то, гра́да Костромы́
усе́рдный засту́пниче.

Кондак 13

О, преподо́бне и богонóсне óтче Ники́то! Приими́
ны́не приносимо́е тебе́ похва́льное пение́, и не забуди́ ча́д
твои́х, любóвию чту́щих тя. Умоли́ Го́спода си́л дарова́ти
на́м во вся́цем благоче́стии и чистоте́ жи́ти и Ца́рствия
Небе́снаго дости́гнути, да с тобо́ю воспе́м Бо́гу:
Аллилу́иа.

Молитва

О, преподо́бне óтче на́ш Ники́то, уго́дниче Бо́жий,
моли́твенниче о душа́х на́ших и те́плый засту́пниче! Ты́
во дни́ земна́го жития́ твоего́, мно́гия труды́ мона́шеския
подъём, ду́шу пока́нием и смире́нием очи́стил еси́, и я́ко
оте́ц духо́вный любóвию всем послужил еси́. Сего́ ра́ди в
Небе́сных оби́телях пребыва́еши, иде́же дерзнове́нно
хода́тайствуеши о нас. Мо́лим тя́, óтче преподо́бне, моли́
Ми́лостиваго Бо́га земно́е по́прище нам непреткнове́нно
преи́ти и от разжже́нных стрéл лука́ваго сохра́нителя, во
еже бы́ти на́м ча́дом Бо́жиим и в за́поведех Его́

непорочно ходити. Моли, отче святыи, земли нашей от бед избавитися, граду Костромѣ и всей странѣ нашей в православию утвердитися, да присно славим Отца и Сына и Святаго Духа во веки веков. **Аминь.**